

DISPUTATIO MEDICA  
INAUGURALIS  
DE  
**HYDROCEPHALO.**  
QUAM

ANNUENTE DEO OPT. MAX. 26

*Ex Auctoritate Magnifici D. Rectoris,*

D. BURCHERI DE VOLDER, Med. & Philos.  
Doct. hujusque, ut & Mathesios in Acad. Lugd.  
Bat. Professoris Ordinarii.

NEC NON

*Amplissimi Senatûs Academici Consensu, & Celo-  
berrimæ Facultatis MEDICÆ Decreto,*

PRO GRADU DOCTORATUS,

Summisque in Medicinâ Honoribus, & Privilegiis  
ritè ac legitimè obtinendis,

*Publico examini subjicit*

PETRUS VANDE WALLE, MOSA-TRAJ.

*Ad diem XVI. Julii loco horisque solitis.*



LUGDUNI BATAVORUM,  
Apud ABRAHAMUM ELZEVIER,  
Academiæ Typographum. MDCXCVII.

*Nobilissimis Amplissimisque*

V I R I S

D.D. MARINO à VRYBERGEN, J. C.

Sacratissimi Regis Britanniarum

**W I L H E L M I I I I.**

Consiliario prudentissimo, Quæstori fidelissimo, in supremo Brabantiae Senatu, qui est Hagæ-Comitum, Senatori consultissimo.

D.D. WILHELMO DE QUADE, J.U.D.

Prætorium & Secreta Urbis Trajectensis ad Mosam, summâ cum laude administranti, Liberi Baronatus Hestallensis Satrapæ splendidissimo.

Fautoribus ac Patronis amantissimis

Suam hanc Disputationem Inauguralem  
secum unâ dat, dicat, consecrat

PETRUS VANDE WALLE,

AUCTOR.







DISPUTATIO MEDICA  
INAUGURALIS  
DE  
HYDROCEPHALO.

P R Æ F A T I O.



uemadmodum, marî magnô, turbantibus æquora ventis, imbribusque pluvialibus, & terræ conquassationibus (*dum lethales ex abyssò, patentibus rimis, erumpunt undæ*) splendidissimæ Urbes, Provinciae, Insulae & Pagi, in MACROCOSMO sæpenumerò inundantur, atque submerguntur, ita certè, haud in MICROCOSMO rarius, marî ejus

rubrô iratô , ejusdemque furentibus nimbis , &  
 visceribus præter modum pressis atque concussis  
 (nil proficientibus aggeribus & limitibus naturali-  
 bus) obruuntur diluviis variis , Provinciæ ipsius ,  
 Insulæ , & , ut ità dicam , municipia multa , nè  
 Metropoli quidem , & sede Regiâ exceptâ : Taceo  
 jam hæmorrhagias , purulentæque materiæ col-  
 lectiones diversas ; taceo syndromen malorum  
 particularium omnium , ex colluvie serosâ oriun-  
 dorum , unus namque mihi sufficiet heic HYDRO-  
 CEPHALUS , Puerorum , scilicet , iste & jam pri-  
 dem natorum , imò nascentium morbus , in quo , Ca-  
 put , lymphâ , seu serô , multis modis obruitur , sub-  
 sequente partium corporis cæterarum maximâ  
 strage , quemadmodum (Deo annuente) disputatio-  
 ne hæc INAUGURALI , pro modulo ingenii , osten-  
 dere animus est , Lectoris animum liberalem , præ-  
 judiciis immunem , atque benevolum , quam hu-  
 manissimè interea poscens.

§. I.

HYDROCEPHALUS ergò , ὑπὸ τῷ ὕδατι , καὶ τῷ κε-  
 φαλῇ , ita dictus , denotat Medicis serosam illam  
 capitis alluvionem , quâ , præternaturali & monstruosa  
 (potissimum in minorennibus) modò , illud in tumo-  
 rem , ad lumen pellucidum , erigitur & adolescit , con-  
 comitante non solum sensuum internorum , & exter-



*norum stupore; verum etiam motuum, cum automati-  
corum, tum arbitrariorum languore, nec non atrophia  
reliquarum corporis partium (ut ut viguerit appetitus)  
insigni, & febre lentâ.*

§. 2. Solet autem HYDROCEPHALUS, non unò sub  
schemate apparere, namque serum seu lymphâ, nunc  
*meningem inter triplicem (ex observatione Clarissimi  
hujus Academiæ Professoris Dni. Godefridi Bidloï)  
& cerebrum, nunc periostium inter & cranium, nunc  
& partes inter illas omnes, & intra cavitates cerebri, seu  
ventriculos, ingenti colligitur copiâ, quorum omnium,  
si res exigeret, testes adducere liceret & vivos &  
mortuos benè multos, videsis modò, mi Lector, ad  
Doctissimi Corn: Stalparti vander Wiel, cent: post. part:  
1. obs: XIV: & eodem notante, Vesalium lib. 1. de hu-  
mani corporis fabricâ, cap. 5. Fabric. Hildan. cen. 1.  
obs. x. Zacut. Lusitan. prax. admir. lib. 1. obs. 5.  
Theoph. Bonet. anat. pract. lib. 1. sect. ij. observ. 45.  
Steph. Blancardum collect. phys. med. cent. 1. obs. 73.  
Joh. Jacob. Wepfer. exercit. de Apopl. hist. 13. & 14.  
Fallop. obs. à Francisco Mickino edit. Tulp. obs. med.  
lib. 1. cap. 25. &c: prætereo consultò cæteros. Istò  
autem respectu, potissimum, & generaliter, Hydroce-  
phalus dividitur in internum & externum, porrò au-  
tem, in habitualem & accidentalem, denique in idio-  
pathicum & sympathicum, magnum & parvum. Ex  
communicatione Pauli Freheri, Helwigius obs. phy-  
sico-Medicar. obs. 3. Hydrocephalum proponit, cum  
vesica carnosâ circa suturam sagittalem, in quo, ex-  
crescentiis abscissis, subtus cranium nullum, sed menin-  
ges apparuerê, nec intus in latere dextrò cerebrum,  
sed hujus locò, carnosâ & glandulosa moles, in sini-  
stro verò latere, cerebri substantia naturalis inventa  
fuit.*

fuit. Notat quoque Bonetus in Med. septent. collat. lib. 1. sect. 2. cap. vj. Ratisbonæ fuisse Uxorem Præfecti cujusdam Vigilum, temperamenti frigidi & humidi, corpore obesò, ferè quadragenariam, quæ sæpius, singulis penè annis, CRESCENTE LUNA, calvaria futuris se dilatantibus, & adauetò tumore, HYDROCEPHALÆAM singularem patiebatur; Dolorem etiam verticis fixum diuturnum, ab hydrocephalo, in puella duodecim annorum, vid. apud P. Borellum, cent. 1. obs. vicesima oetava. Hydrocephali rari, cujus periphèria æquabat ulnam ferè & dimidiam, ab Clarissimo Johan. van Horne institutam anatomiam in Infante fere septimestri, curiose exponit Joh. Nicol. Pecklinus, obs. phys. med. LXI. lib. 1. cujus quoque mentio facta est apud Bonet. l. c. istic hiatus rhomboïdes, Fontanellam vocant, longè patentior erat quàm oportebat, continuatò etiam per suturas, sagittalem & coronalem, plus quàm digitali divortiò. Tenuia admodum videbantur bregmatis ossa & cornea ferè, in oris etiam quæque suis cartilaginosa, ad notabile intervallum, ubi radiantium fibrarum ossæarum lusum pulchrè animadvertere licuit. Fluxit, acu, quâ in paracenthesi uti solemus, adaetâ, limpidissimi serivus ad uncias CLXIII. non numeratò, quod in anfractus, cerebrique basin se diffuderat; cerebri substantia tenuis admodum erat, intus etiam rarissimis sanguinis permeantis vestigiis perfusa; in ventriculorum fundo, lenta reliqua erat & pituitosa lympa, quæ se, glutinis instar, parietibus cerebri medullaris & ventriculorum limbis applicaverat; radix cerebri à perpetuo illo diluvio, & seri incubitu, defluxisse videbatur in fibras, quibus aliàs constare naturaliter solet: Locò suò, quæsit glandula pinealis non apparuit, sive avulsa,



*avulsa, sive deliquio soluta. In plexu choroideæ, nulla etiam glandula conspectæ. Cerebellum autem plane integrum, & nulla sui parte labefactatum, nulla etiam aqua in ventriculo ejus, adeò & quod mirandum, gyri anfractusque illasi, & latiore sanguinis colore perfusi.*

§. 3. Ast exemplorum satis, nec est, quod ostendam hic *differentiam illam insignem & manifestam HYDROCEPHALI*, cæterorumque morborum *soporosorum*, vel etiam *vomicæ cerebri*, cujus mentionem facit *Arnoldus Bootius*, *obs. med. de affect. omissis* *iiij.* rectà pergo ad *causas*; circa quas, potissimum verò *continentes*, sive *proximas*, sedulò operam dabo, ut *nullius auctoritati pertinaciter adstrictus*, veritati uni militem, quantumque potero, naturæ ductum sequar, & quod res ipsa suadet, fidenter asseram, nam licet vitanda sit contradicendi prurigo, atque illa ingeniorum superfoetatio, quâ semper portenti aliquid abortiunt; laudanda tamen, meo judicio, inquirendæ veritatis libertas, præsertim, ubi leniter, haud præfractò animò, omnia ventilantur. Nihil certè infelicius iis ingeniis, quæ mordicè sentiunt, Majores nostros nihil ignorasse; fallax quippe illud *Averrhois* enunciatum, *famosum impossibile est esse falsum*! Profectò ætas multa docet, etiam hebetiores, quæ sapientioribus Antiquis incognita fuerè, nec natura rerum, sacra sua simul edocet. Ratum ergò, mihi cùm sit, & inconcussum, humoris alicujus, potissimum serosi, *nullam uspiam* in corpore humano (*fortè & cujuscunque animalis & insecti*) fieri secretionem, à sanguine rubicundò, *sinè medio glandularum, vasorumque lymphaticorum, aut siphunculorum variorum hydragogorum*, non est, quod

quod dubitem, rem eodem fieri modo, in *cerebro*,  
*vicinisque partibus*, quò in aliis, ubi lympham secretam  
& collectam cernimus; ecquis profectò, nisi *artis ru-*  
*dis* admodum, & cognitione verâ œconomix anima-  
lis destitutus, asseverare audebit; serum illud aliquan-  
do *limpidum*, aliquandò *purulentum* & *glutinosum*,  
*crassum*, immediatè ab arteriarum ductibus (*non nisi*  
*rubicundum* laticem continentibus) fuisse secretum,  
*nullis intervenientibus canaliculis angustioribus*, di-  
versimodè juxta se *convolutis* & *intortis*; ex quibus  
glandulas efformari certum est? vel quis *hodiè* conce-  
det *per poros vasorum sanguiferorum angustissimos*,  
copiam illam *ingentem*; crassioris laticis; suppeditari  
posse, juxta Veterum de *diapedesi*, hypothesein?  
Quis autem *porrò* concipere poterit, protrudi lym-  
pham *variā*, ab canaliculis arteriosis ad glandulas,  
*absque continuatione vasculorum*, sive *excretorio-*  
*rum*, sive *revehentium*? atquì hæc *revehentia*, & po-  
tissimum *excretoria* vasa, non possunt, esse *venæ so-*  
*læ*; utpote quæ sunt *ex angusto in angustum*, imme-  
diatè ex arteriis emergentes, *continuatæ*, tubulis  
prædictis *ampliores*, nec nisi sanguine *rubicundò* tur-  
gidæ; mitius ergo, meò judiciò, olim loqui potuis-  
set Clarif. Nuckius, in *Epistola anatomica*, *juncta*  
*adenographiæ curiosæ*, quando ad quæstionem, *utrum*  
*in cerebro etiam vasa occurrant lymphatica*? respon-  
det, *Recentiores nonnullos in eorum descriptione sa-*  
*tis esse liberales*, eademque concedere & admittere,  
*verum se passim observare eos*, *systemata in proprio*  
*cerebro formare*, & *viscera pro lubitu componere*; ad ex-  
*perimenta enim provocatos*, *nîl egregii præstare valere*.  
Ipse autem ille ait, *se hâc in parte, ut ingenue loqua-*  
*tur*, *hactenus scopum attingere non potuisse*; Interim  
ibidem



ibidem loci, non negandum censet (quomodò hæc cum antecedentibus hæreant, judicet æqvus Lector) aliquando cerebri lymphatica, in una aut altera parte fuisse visa, etiam non ita pridem, Anatomicum quendam, inter alia sibi communicasse, sequentibus verbis, vidi lymphaticum in cerebro bovino, quod examini tuo (ut originem scias & insertionem) erit dignissimum. Non longè à glandula pineali, à quaramos fortè habet, incumbit plexui choroideo, ad infundibuli latera se extendens. Ante biennium, pergit, ductum lymphaticum ex pini glandula, eodem modò, ut in aliis glandulis, exeuntem vidi, ita ut quidem (NB.) CERTISSIMUM sit, etiam cerebrum suos habere rivulos aquosos, sed nondum distinctè in lucem protrahctos. Ego addo, FORTE NUNQUAM PROTRAHENDOS, quoniam (uti innumera alia) suâ subtilitate sensum visus, utut mediis artificialibus optimè munitum, effugient; sint ergò, per me, manus Anatomicorum oculatæ, credant, quod vident, sed certum mihi est, atque persuasum, quod nisi ratione & judicio simul utantur, in fabrica corporis enucleanda, semper coeci mansuri sint, & hæfuri in eodem luto. De vasis hisce lymphaticis, videatur quoque ex observatione Clarissimi Stenonis, Th. Barthol. in anat. refor. lib. 3. cap. 3. nec non Bonetus, loco suprà citato p. m. 27. ubi ait, Minutarum glandularum copia cerebro non deest, sero à sanguine separando destinatæ; non pauci Autores cineritiæ substantiæ, hanc functionem tribuunt; & ipse recordor vasa lymphatica, circa superiorem glandulam (pinealem nempe) aliquoties fuisse reperta, quæ forsitan (ego aio, procul dubio) fuerint totidem aquæ ductus, cavitatibus cerebri humectandis, destinati. Lectu quoque dignissima sunt,

lucemque huic materiæ foenerantia, quæ Celeberrimus, & omni laude superior, p. m. *Carolus Drelincurtius*, cujus mortem lugere satis non potest Academia nostra, scripsit in tractatu suo aureo, cujus titulus est *de conceptu conceptus, perioche XLII*. ubi loquitur de munere *pulposorum cerebri acinulorum* in foetu, Veracissimus etiam est *Hippocrates lib. de gland. §. 7.* cum quo, conferantur Excellentissimorum Virorum *Malpighii & Fracassati*, de cerebro scripta, cedro dignissima. Cum ergo videamus manifestè, ligatis & compressis venis jugularibus, sive in cane, sive brutis aliis animantibus, serum copiosum in cerebro, ejusque Ventriculis colligi (quale etiam colore rutilò tinctum in iis, qui laqueò vitam finiverunt, propter violentam pressionem sanguinis, ab arteriis versùs glandulas, conspiciere datur) concludere tutò licet, quod in statu *omnis* hydropis, adeoque etiam *hydrocephali*, sanguine viam liberam non inveniènte, ab arteriis versùs venas, earumve loca vicaria, lymphæ, sive *Seri major* resultet pressio, versùs *glandulas*, earumque ductus *excretorios*, qui illud deportant ad loca minus resistentia: Verum *non hæc sola est hydropis causa proxima*; datur enim & *altera*, videlicet ductuum aquosorum *ruptio*, sive demum ab *acri* hoc fiat sero, seu *nimià copiâ* alluente, insulasque eorum *destruente*, sive demum à causa alia *forinsecus accedente*, *comprimente atque lacerante*, quemadmodum ostendam circa causas *procataréticas*.

§. 4. Nullum itaque dubium est, quin ex sanguine *Infantium crassiore*, utpote qui *viscido sero* turgeat, istud omne potissimum emergat malum, sicque ilicò pateat *causa ejus antecedens*: cum verò cerebrum, cum cæteris partibus, in iisdem Puerulis sit *molle* admodum



dum atque *flexile*, sequitur, quod minus resistat prementi lymphæ, ab *Hippocrateo* (*ut eleganter loquitur, citato loco, Clarissimus Drelincurtius*) *frigidi atque glutinosi fonte deciduæ*, quæ aliquando, uti notavit famosus *Guido Pativus*, in dissecto *Campani cerebro*, *diffimile non est, sero lactis*, aliquando autem (quemadmodum supra notatum) *limpida* admodum est, & clara, aliquando quoque *roscida & sanguinolenta turbida*. Quis verò est, qui negabit, quod, hoc modo, nimium repletis glandularum cerebri, cerebelli, meningum, &c. canaliculis sive vasculis capillaribus, expansisque fibris vicinis, *imminuatur adeò secretio & distributio subtilioris sanguinis partis*, sive spirituum animalium, ut *sensuum stupor, & motuum languor* resultet? quis dubitabit, sero, seu lymphæ, uberrimè in cerebrum ruente, *reliquas partes suò fraudari nutrimento*, adeoque macras reddi & strigosas? præprimis cum certum sit, *aliarum quoque partium canaliculos* ab sanguine crasso, viscosoque, obstrui, ita ut *nutritius succus* distribui in omnem partium dimensionem nequeat: Quis denique non credet, *crassiores sanguinis partes, languente spirituum animalium secretionem & distributionem*, ab invicem notabiliter *secedere*, adeoque *febrim lentam* producere posse *continuum*? præsertim cum hanc *similiter* observare liceat in *cachecticis*, frigidioribusque ferè morbis omnibus, in quibus sanguinis *circulationem auctam* esse, vanum, meo iudicio, foret statuere & ridiculum; nec putem, cuiquam, si attenderit ad superiora, obscurum esse posse, quomodo vel *parotides glandulæ*, vel *palpebræ*, *aliæque partes vicinæ externæ* intumescant diversimode, colore, jam *rubicundo*, jam *cæruleo*, jam *livido* &c. occurrente.

§. 5. Ad mali hujus ortum & progressum, mirum quantum contribuat *mala Matris diæta*, consistens speciatim in *aquosorum*, *acetariorum*, *lacticiniorum*, *leguminum* & *olerum*, (quorum catalogum exhibere, supervacaneum duco) abusu; Mirum etiam quantum *imaginatio fixa Matris*, utero gestantis, *Hydrocephalo* fomitem præbeat, vid. *Th. Barthol. obs. anat. cent. 1. obs. 28. Fabricium Hildan. cent. 5. obs. 3. Levin. Lemn. lib. 1. de occultis naturæ mirac. c. 4.* Ira etiam ictus, lapsus, quævisque alia, *vehementer* matrem afficientia, huc pertinent, ut & *sæva manus Obstetricis*, quæ *intempestivâ compressione ossium bregmatis*, *coarctatō insimul venarum spatii*, *lentæ circulationi*, & *hinc ortæ præternaturali secretioni aquosæ*, quæ *deinde laxatis fibrarum, canaliculorumque intervallis*, se in *ventriculos cerebri*, *vicinasque humidi lymphatici officinas*, stillando effundit, occasionem dare poterit. Nec excludenda venit *mala tenelli Fætus intra carceres uterinos positio*, dum v. g. *declivi nimis capite*, susque deque procumbit.

§. 6. Ad prognosin quod attinet, patere fatis puto, *Hydrocephalum* esse morbum curatu difficilem, si non *insanabilem*, imprimis si fuerit *internus* & *inveteratus*, sique *vascula lymphatica capitis fuerint rupta*, horum enim *consolidationem*, etiam in adultis, partibusque corporis *externis* & *obviis*, obtinere, quàm sit *difficile*, norunt illi, qui manum operi ad-moverunt, tantò etiam hoc erit in tenellis infantibus *difficilius*, quantò minus medicamentis *internis* uti poterunt; Taceo, quod viæ sint *nullæ*, quibus serum, *ut oportet*, evacuari poterit; frustra enim id tentaretur per *aures*, *nares* & *palatum*, nisi fortuitò & criticè, nam evacuationem *materiæ similis*, in cerebro stagnan-



gnantis, præsertim purulentæ &c. fieri posse non nega-  
 gaverò, si autem vel omne serum evacuari posset,  
 mox illud (*permanentibus scilicet obstructionibus*)  
 recolligeretur. Aliquando, serum sibi viam sternit  
 versus *medullæ spinalis tractum*, tumoremque aquo-  
 sum parit in dorso insignem. Mirabilis extat, ino-  
 nente Malpighio, apud Jacobum Carpenssem, qui in  
 Nepote Cardinalis Histrigoniensis, capite vehemen-  
 ter vulnerato, copiosam aquam, in ampla fovea in  
 cerebri substantia excitata, per vices coacervatam  
 evacuabat, sexagesimo autem die, hujus portio de  
 novo collecta & coërcita, Epilepsiam cum totius cor-  
 poris tremore & rigore excitavit, quâ evacuatâ, &  
 consolidato vulnere, Ager pristina restitutus est sa-  
 nitati. Rarissime extenditur Hydrocephalus in seram  
 ætatem, annosve duodecim aut quatuordecim; sed  
 haud raro, sub imagine apoplexiæ, postquam varia ge-  
 nuerit symptomata, finem vitæ imponit.

§. 7. An igitur sanationi dabitur locus? saltem ali-  
 quid tentandum esse in omnibus desperatis morbis  
 judico. Est aliquid prodire tenus, si non detur ultra.  
 Premam autem hinc vestigia aliorum Auctorum, expe-  
 rientia ipsâ, nil hætenus certi me docente. Allardus  
 Herman. Cummius, referente Boneto l. c. curavit Hy-  
 drocephalum modo sequenti, primò baculo in os  
 immisso, apertum illud servari jussit: hinc capite ra-  
 so, singulis diebus, bis aut ter, caput oleo chamomillo-  
 rum, in quo stæchas arabica, spica, lavendula &c. per  
 aliquot dies infusa erant; caput inungi curavit &  
 aquâ vitæ ablui; nonnunquam etiam aquam Eliza-  
 bethæ, Reginae Hungariæ adhibuit, utrique cruri  
 cauterium applicuit, corpus quater singulis septima-  
 nis, cum syrupo diacnici purgavit: in potu semper ali-

*quid de oleo tartari, per deliquium facti, exhibuit, in cibo sæpius aniso, cumino, anetho, ut puer uteretur suavitati; Ista ergò cum non prorsus ab ratione aliena mihi videatur curandi methodus, mutatis mutandis, pro re nata, hìc pedem figere possem, nisi & hæc subjungenda esse, necessarium ducerem: nempe capillis tonsis, caput fomentandum est, decocto radicum, herbarum, florum & seminum cephalicorum, non omisso cumino & radice cucum. asin. ut & bryon. sive infusis, sive coctis in f. q. aq. fabr. ferrar. vel vini generosi, cineribus clavellatis vel simili alcali & sulphure vivo nobilitati: postea imponatur cerotum de cumino vel de labdano, malaxatum balsamo sulphuris terebinthinato. Culcitra, super quibus dormit Æger, sint aromaticis herbis & floribus impletæ, non neglectò sale comuni & arena, super hypocaufto calefactæ. Clysteres autem utilissimi sunt, ex hydragogis & calefacientibus compositi, venter aliquando inungatur, unguento de artan. addito felle bubulo & oleo aliquo aromatico. Avicenna (quam alii jbn sina scribendum censent) non male cochleas integras probat, quæ bulliendæ veniunt, in decocto artemisiæ, stechados, calaminthæ montanæ, vel cucumeris asinini, vel iberidis vel ebuli, post cochleæ ita decoctæ, contusæ & calidæ capiti derafo applicandæ. Oportet autem ut detineantur, quousque sponte decidant: sunt qui cruciali incisione lympham abundantem evacuare tentant, sed meò judiciò, neutiquam recte, consentientibus Autoribus optimis, & inter hos Vigier. oper. Med. Chir. lib. 1. cap. 27. quoniam non solum mali causa, hoc modo, non tollitur, sed potius augetur, superveniente sæpissimè inflammatione, & gangrænâ lethali.*

F I N I S.





A A N

Den H E E R E

PIETER VAN DE WALLEN,  
Zullende werden aangenómen  
tot Geneesheer.



*ó moet men dráven om den prijs  
In Pallas loop-baan. Dit 's de wijs  
Beroemde vande W A L L E N,*

*Om, steigerende in wétenschap,  
Te klimmen naar een hooger trap,  
En daar met eer te brallen.*

*Gy toont den Leerling, hoe hy moet  
Zijn tijd besteeden; eêr hy 't zoet  
Van arbeid, zó veel jaaren*

*Getorst, gelijk een lastig pak,  
Vol zorg, vol angst, met ongemak,  
Nog eynd'lijk kan vergaaren.*

*Deez*

Deez' blaên zijn taygen van uw' vlijt,  
Niet mijne galmen. Laat de Tijd,  
Nooyt moede van het rennen,  
Die in het groote Wijsheits Koor  
Vry voeren, dwars de Wolken door,  
Met snel-geveerde pennen;

Op dat de Naam U toegeweid,  
In and're plaatzen uytgebreid,  
Een ieder mag doen hooren,  
Dat U de blonde Apollo, naar  
's Lantswijze, in zijn Genees-heers schaar,  
Al mêe heeft uytgekooren

Om Balzem, Zap, en Kruyd te biên  
De krachtelooze Zieke Liên,  
Die, onder pijnlijk karmen,  
Verbleekt van káken, en gelaat,  
U zullen, als een Hippocraat,  
Tot heil, en hulp omarmen.

W. M Y L I U S,  
Med. Candid.



A D'

PETRUM van de WALLE,

MEDICUM LEIDENSEM.

*M*ens generosa cupit magnis dstringier, ut se  
Exserat, ingenii vim probet ipsa sui.

*Corporis humani cura quid majus? adesse*

*Huic animam voluit, causa utriusque, Deus;*  
*Nec facere officium recte sine corpore sano.*

*Hujus ut haud unam cura propinet opem.*

*Ergo WALLIADE studium TE nobile cepit,*  
*Conveniensque Tui dotibus ingenii.*

*Emicuere etenim sub claris arte Magistris,*  
*Lugduni celebrant qui pia Templa Sacra.*

*Phæbea crines igitur præcingere Lauru:*  
*Doctori facilis nubit Hygea novo.*

πρὸς τὸν Νυμφίον

ὁ Πατριάρχης.

NICOLAUS van RYP,

Medicinæ Studiosus.

